



UNIVERSITÄTS-  
BIBLIOTHEK  
PADERBORN

**Vitæ Sanctorum Sacris per singulos anni dies  
Meditationibvs illustratæ**

**Paderbornæ, 1697**

S. Porphyrius Ep: 26. Februarii.

---

[urn:nbn:de:hbz:466:1-62968](#)

cohorte immolatur. Quid enim Pater negare posset sanguini, & vulneribus Filii sui? Cùm in altari Christus offertur, clamat idem Redemptor ad Patrem, corporaliter suas cicatrices ostendens. Laur. Just.

2. Ut religiosius Sacro intersis, memento Iesum Sacerdotibus praecepsisse, ut Sacrum facerent in memoriam suæ passionis. Sacerdos Christi, ara crucis vicem gerunt: Quid ille ipse Deus immolatur, qui in Calvario monte de Cruce pependit. Sed heu! forte huic incruento sacrificio interes, ut Judæi carnifices cruento, impietate nimirum, & irreligioso corporis habitu iterum Christum crucifigens.

3. Quadrifariam dividi potest Missæ Sacrificium. In primâ parte attende ad tua peccata, pro quibus expiandis mortuus est Christus. & supplex veniam pete. In secundâ, meditare dolores Christi. In tertâ, sacro Eucharistie pabulo refici ardenter concupisce, & dum Sacerdos sacramentaliter Iesum recipit, eum tu spiritualiter recipe, repetitis actibus fidei, desiderii, charitatis. In quartâ demum, gratias age pro acceptis ab eo beneficiis, & te totum ipsi consecra.

## S. PORPHYRIUS EP:

26. Februarii.

*Si gloriari oportet, qua infirmitatis mea sunt, gloriabor. S.Paul.2.adCor.12.*

PORPH.

**P**ORPHYRIUS Hierosolymæ æger, quotidie loca sacra cùm pedibus non posset, genibus obambulabat, expeditissimam viam ad cælum credens Christi vestigia. Et fuit cùm ad pedem Calvariæ montis triste oculis spectaculum, jucundum tamen animo, objectum est, Christus cruci affixus, & pone felicior è geminis latro. Igitur cùm latronis verbis etiam PORPHYRIUS Servatorem compellâsset, jussit hic descendere latronem è cruce, & opem ægro ferre. Descendit, osculum tulit, manuque peramanter prehensum ad Christum secum itaret, invitavit. Inter ea properanti obvius ipse in amplexum Servator ruit, jussitq; dulce onus Crucem suam ferre. Tulit iubens, & verò laboris pretium sanitatem abstulit. Proinde sacris initiatus PORPHYRIUS & custodiat Sanctissimæ Crucis præfectus est. Ultimò Pontifex Gazæ inauguratus signo Crucis pluviam cælo supplex evocavit, infamem Veneris statuam dejecit, & Manichæam mulierem clinguem reddidit; probavitque hunc in crucem amorem ipsum Numen, quando lapsos in puteum tergeminos pueros salvos parentibus reddidit & miraculosâ cruce insignitos. Illud ad posteros memorabile, cùm

cum fana Gazæ nobilissimæ superstitioni  
paterent, neque demolitionem horum im-  
petrare jam ab Arcadio posset, supplicâsse  
PORPHYRUM vix nato Theodosio, & cum  
hic alieno nutu assensum præbuisset, voto-  
rum tandem potitum omnia Deorum tem-  
pla destruxisse, Deo deinde aliud in Crucis  
formam ædificâsse, & cineri suo, &  
famæ monumentum.

Ex Metaphr.

## MEDITATIO *De verâ gloria.*

1. IN quo ponis veram Christi gloriam? Si mun-  
do servias, & ejus agaris spiritu, haud dubiè  
respondebis mihi: vera gloria sita est in divitiis,  
fortitudine, liberalitate, scientiâ. Ut autem tam  
brevis, & tam vana gloria comparetur; sepiùs cor-  
poris, animæ verò semper salus periclitatur. Quid  
tibi, quid post mortem hæc proderit gloria? quan-  
doquidem laudaberis, ubi non eris, & cruciaberis,  
ubi eris. Laudantur, ubi non sunt; cruciantur, ubi sunt.

2. Vera gloria à Dei existimatione pendet, Ser-  
uire Deo, regnare est. Quàm gloriosum mihi, si mæ-  
facta Deo, ac cælitibus per totam æternitatem pro-  
bentur! Quis honos Sanctorum honori compo-  
nendus, quo in cælis juxta ac in terris afficiuntur?  
Ambitiosi jam despicie vanos, & per breve hono-  
res mundi; Christus vero & æternos datus est,  
quibus

\*o) 176. (o\*

quibus sanè vestra gloriae & honorum sitis omnino  
expleri potest: hos honores quærite. si honoribus  
opibusq; capimur: veris honoribus, opibusq; capiamus.  
Eucher.

3. Ut veram Christi gloriam acquirere possis,  
oportet, ut contemnas gloriam mundi, atque pro  
Christo, & magna facias, & dura patiaris. Sperne,  
age, patere: his tribus tanquam gradibus ad veram  
Christiani gloriam pervenies. Quid adhuc fecisti,  
quid passus es Christi causa? A minimis incipe;  
non deerunt tibi occasionses; iis tu ne desis.

---

## S. LEANDER EPISCOPVS.

27. Februarii.

*Diliges Dominum Deum tuum ex  
toto corde tuo, ex tota anima  
tua, & ex tota mente tua.*  
Christus. Matth. cap. 22.

**C**or igneum quod manu gestat LEAN-  
DER, sui in DEVVM amoris est argu-  
mentum. Quem iuvenis concepit ignem,  
extinxit nunquam: arsit quandiu vixit.  
Quæris ubi primum has flamas hauserit?  
in communi illo igniario virtutum, divini  
amoris